

INUIT ATAQATIGIIT

Inatsisartuni



15.05.2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Siusinnerusukkut Inatsisartut ataatsimiinneranni siunnersuutit akuersissutigineqarsimasut ataani pineqartut pillugit soq piviusunngortinneqarsimannginnersut Naalakkersuisut tunngavilersuuteqarsinnaappat?**
 - a) UKA2012 Imm./Pkt. 54: Kalaallit Nunatsinni efterskolimik suli ataatsimik, Tasiilami inissineqartussamik, UKA 2013-mut pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Harald Bianco, Inuit Ataqatigiit).**
 - b) UKA2015 Imm./Pkt. 50: Inatsisartunut aaliangiiffigisassatut siunnersuut Naalakkersuisut UPA 2017-imut peqquneqassasut inuusuttut 16-iniit 29-nik ukiullit ilanngullugit suliffissarsiortutut allatsissimasut, ilinniagaqalernissaat suliffittaarnissallu siunertaralugu immikkut ittumik pilersaarusiussasut. (Inatsisartunut ilaasortaq Iddimangiiu Bianco, Inuit Ataqatigiit).**
- 2. Tasiilami inuusuttut ilinniartitaanikkut inuussutissarsiornikkullu periarfissaasa annertusaaffiginissaat siunertaralugu Naalakkersuisut qanoq pilersaaruteqarpat?**
 - a) Tasiilami inuusuttunut ilinniarfiusinnaasumik/efterskolemik/højskolemik pilersitsinissamut Naalakkersuisut anguniagaqarpat?**
 - b) Tasiilami inuusuttunut ilinniarfiusinnaasumik/efterskolemik/højskolemik pilersitsisoqarnissaanut Naalakkersuisut qanoq isumaqarpat?**
- 3. Tasiilami inuusuttunut ilinniarfiusinnaasumik/efterskolemik/højskolemik pilersitsisoqassappat tamanna Nunatta karsianut aningaasanngorlugu qanoq naleqassava?**

(Inatsisartunut ilaasortaq Aqqa Samuelson, Inuit Ataqatigiit)

Tunngavilersuut:

Siunnersuutit marluk Tasiilami inuusuttut immikkut ittumik suliniuteqarfigineqarnissaanut tunngasut, siornatigut Inatsisartut ataatsimiinneranni akuersissutigineqarsimasut soq timitalerneqarlutik piviusunngortinneqarsimannginnersut Naalakkersuisut tungaanniit tunngavilersuisoqassasoq piumasaraara. Taassuma saniatigut Tasiilami inuusuttut ilinniartitaanikkut inuussutissarsiornikkullu periarfissaasa annertusaaffigineqarnissaat pillugu Naalakkersuisut qanoq pilersaaruteqarnersut paasisaqarfigerusuppara, ilinniarfiusinnaasumik/efterskolemik/højskolemik pilersitsisoqassappat Nunatta karsianut aningaasanngorlugu qanoq naleqassanersoq ilanngullugu paasisaqarfigerusullugu. Tasiilami inuusuttut ilinniartitaanikkut inuussutissarsiornikkullu periarfissaasa annertusaaffigineqarnissaat pingaaruteqarpoq, inuusuttut inuttut alloriaqqinnissaat siunertaralugu.

Apeqqutit ullut suliffiusut qulit qaangiutinnginneranni akineqarnissaat kissaatigaara.